


滿洲名臣傳

冊二上



內閣文庫		漢
三三八函架	二二〇五冊號	書類

內閣文庫		漢
二九〇函架	二三	

內閣文庫		
番號	漢	2305
冊數	160	(63)
函號	290	43




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





滿洲名臣傳卷三十一

祖良璧

年漢堯

噶爾弼

董衛國

王國昌

張長庚

海潮龍

阿靈阿

揆鈺 鄂倫岱

祖良璧列傳

祖良璧漢軍相輔旗人父澤洪官吏部侍郎

以軍功授三等子遞加至一等子爵自有傳

康熙九年良璧繼其兄良棟襲世職十九年

授叅領兼佐領二十九年從裕親王福全征

兩江總督

卷三十一

噶爾丹謀賊伏烏蘭布通阻河扼林阜結蛇陣自障良璧隨左翼由山腰奮擊大敗賊眾覆其巢三十年擢西安副都統三十五年二月撫遠大將軍費揚古由西路勦噶爾丹良璧請從軍
上以西路軍糧屯翁吉
命偕副都統肅爾哈達番兵督運六月由巴罕厄里根赴網喇特遇風雨牲畜道斃不能前以狀

聞時噶爾丹已爲費揚古所敗攜其從子丹濟拉由昭莫多西遁

上慮其奴翁吉糧

詔良璧速歸翁吉以所運米支給運丁餘悉焚之良璧得

旨馳還九月將護根赴寧夏丹濟拉果率賊數千伏翁吉山谷中偵我軍半度突出良璧麾殿後兵力戰前軍還擊賊大敗逐北二十餘里

上方聞丹濟拉驟至慮良壁勢孤及奏捷
優詔嘉獎四十二年十一月

上西巡閱西安兵

諭大學士馬齊曰滿洲兵丁整肅俱係將軍
副都統訓練所致著各加一級十二月調正
藍旗漢軍副都統四十四年

上追念良壁翁吉破賊功且人材亦優擢福
州將軍

賜孔雀翎及蟒服鞍馬四十六年

上南巡巨壁至清江浦迎

駕

御書兵民協輯額及四時常喜戈船靜千里
須教壁壘新聯

賜之並衣一襲四十九年三月疏言康熙二
十二年撥耿精忠藩下兵一千歸上三旗因
閩省無正黃旗駐防將應歸正黃旗人改撥
正藍願白二旗查駐防驍騎校等缺出各旗
藩下人皆得揀補惟此項因係改撥從未咨

放其中不無弓馬可觀之人登進無階情殊
可憫請嗣後正藍廂白旗缺出將改撥兵丁
一體撥補部議從之八月以泉州漳州等處
旱歉奏

命侍郎塔進泰李旭升會同江浙兩省督撫
截留本年鎮江漕米十萬石運至狼山松江
湖州漕米各十萬石運至乍浦令福建督撫
等以戰船轉運賑災會總督梁璠丁憂
特旨以良璧署理五十二年至京恭慶

萬壽

賜冠服尋

遣還任五十七年卒改世職為一等男兼一
雲騎尉子應樞襲

年羹堯列傳

年羹堯漢軍廂黃旗人湖北巡撫遐齡次子
康熙三十九年進士改庶吉士散館授檢討
四十四年充四川鄉試主考官四十七年充
廣東鄉試正考官歷遷侍講學士明年二月

海沙各目傳卷三十二
四
授內閣學士旋擢四川巡撫四十九年二月
幹偉生番羅都等掠寧番衛戕遊擊周玉麟
上命羹堯同提督岳昇龍相機勦撫七月昇
龍率兵進勦斬賊七千餘羅都羹堯至平番
衛聞羅都就擒卽還爲川陝總督音泰所劾
部議革職
命從寬畱任五十年疏劾打箭爐監稅員外
郎博羅侯等苛索狀
詔音泰鞫實論罪如律五十六年二月越雋

衛所屬番人與普雄土千戶那交等據險叛
羹堯遣遊擊張玉勦平之四月直隸巡撫趙
宏燮訪獲廂藍旗逃人孟光祖徧歷直省請
托賂利奏

聞事下刑部嚴訊光祖赴川時曾詐稱誠親
王允祉使致餉遺羹堯受之且餽以銀馬令
所屬應夫役

上以羹堯不將孟光祖查拿反行餽送
飭令明白回奏尋因所奏巧飾不寔部議革

任得

旨仍畱任是年策妄阿喇布坦遣其黨策凌敦多卜襲西藏戕拉藏汗四川提督康泰出黃勝關偵禦兵噪回羹堯諭叅將楊盡信撫其眾密奏泰失兵心難統領請親赴松潘辦理軍務

上嘉其寔心任事

遣都統法喇率兵赴川協勦五十七年六月羹堯請令護軍統領溫普駐裏塘自打箭爐

至裏塘增設驛站八月又請增駐防四川兵允之十月

諭曰年羹堯自軍興以來辦事明敏又能度量西去追勦之兵運餉接濟甚屬可嘉巡撫祇理民事無督兵責任今軍機緊要著授爲四川總督兼管巡撫事五十八年三月羹堯奏賊情叵測請自往備廷議以松潘諸路軍務緊要不便率兵出口檄法喇進師六月法喇率副將岳鍾琪撫定裏塘巴塘羹堯亦遣

知府遲維德招乍了察木多察哇番日來歸
因請撤回法喇兵從之五十九年二月

詔平逆將軍宗室延信自青海往定西藏授
夔堯定西將軍卽自拉里會勦並

命以堪署總督之人具奏夔堯疏言總督印
務一時無可署理之人請授護軍統領噶爾
弼爲將軍而調法喇駝防打箭爐

上特從所請時部臣議准雲貴總督蔣陳錫
疏以巴塘裏塘本滇省麗江土府屬地仍歸

土知府木興管轄夔堯言進藏運糧要路不
宜隸滇仍請歸四川便五月又言成都駐防
滿兵需米甚多請令近省瀕水州縣應收折
色者改本色運省充餉七月又言州縣虧空
錢糧知府扶同徇隱叅革分賠皆下部議行
八月噶爾弼延信先後抵西藏策凌敦多卜
敗遁西藏平夔堯遵

旨酌議凱旋軍士入口路令法喇回京十一
月遣兵勦撫裏塘所屬之上下牙色上下雅

足巴塘所屬之桑阿堪林卡石諸生番悉降
之六十年五月入

覲

賜弓矢授四川陝西總督九月以青海郭羅
克番肆掠

命夔堯等酌調滿兵及外藩蒙古兵會勦夔
堯奏言郭羅克有隘口三悉險峻宜步不宜

騎若調兵多則賊得潛為備不如以番攻番
臣素知雜谷諸土司土目亦病郭羅克肆惡

臣已移提臣岳鍾琪率赴松潘進剿

上是之十二月鍾琪率土兵敗郭羅克伏卒
千人進克番寨四十餘斬馘三百拾其渠餘

眾悉降先是西藏既平內大臣公策旺諾爾
布奉

命駐守六十一年七月駐藏喇嘛楚爾齊木
藏布知府石如金以在藏官兵不睦訴夔堯

密奏策旺諾爾布委靡及副都統常齡侍讀
學士滿都員外郎巴特瑪等任性滋事請撤

清沙各臣傳 卷三十一
回駐藏兵事下廷臣議以羹堯聽信喇嘛及
知府餘詞擅請撤兵應飭所司嚴議

上原之

特命滿都巴特瑪石如金楚爾齊木藏布等
來京

遣四川巡撫色爾圖西安布政使塔琳赴藏
助策旺諾爾布駐守是時陝西庫帑多虧羹
堯累疏叅革守令嚴追充餉西安巡撫噶什
圖以虧項不能速完密奏又與羹堯請加火

耗以完虧空

諭曰陝西錢糧所以虧缺最甚者自用兵以
來資助車馬糗糧衣服銀兩府州縣無可設
法勢必挪用庫帑及撤兵時亦然即如自藏
回京將弁沿途所得反多於正項是以各官
虧空動輒萬金年羹堯欲追虧項以充兵餉
及追之不及又與噶什圖議加火耗以完虧
空此摺若批發便謂奉旨加征若不批發又
謂此事已會奏明竟私自派民間火耗只可

議減豈可加增朕在位六十一年從未征氏
間火耗今若聽其加派必致與正項一劄催
征將肆無忌憚矣著傳旨申飭尋

命發帑銀五十萬兩解送陝西資餉十一月
撫遠大將軍貝子允禎還京

命羹堯管理軍務雍正元年三月議敘平定
西藏時運糧及守隘功封三等公世襲罔替
加太保時

詔撤駐藏官兵羹堯條奏八事一打箭爐外

中渡河口爲通藏要隘請移駐守備建城分
防一保縣在大河南土番出入隘口請撥干
總防汛一松潘口外各番惟阿樹部落最大
請給長官司職以資鈐束一建昌所屬越嵩
衛多蠻獠請改設遊擊分兵防守一金川土
舍莎羅莽隨征羊尙有功請給安撫司銜以
分小金川之勢一烏蒙蠻達日等克暴不法
土舍祿鼎坤等請於獻侯至日給土職分轄
其地一川省捐造滿兵營房之官民請予議

叙一軍營自備資斧効力之武進士舉人請酌補守備千總部議從之八月青海羅卜藏丹津脅眾台吉叛劫親王寨罕丹津侵掠青海諸部十月羹堯自甘州率師至西寧疏請進勦

特授撫遠大將軍以前鋒統領素丹提督岳鍾琪為叅贊

敕授方畧羹堯奏調總兵周瑛截賊往藏後路都統穆森駐吐魯番副將軍阿喇納駐噶

斯泰將孫德宗駐布隆吉爾於是遣總兵楊盡信黃喜林副將王嵩叅將宋可進遊擊元繼尹馬成輔等先後敗賊鎮南堡南川西川申中北川奇嘉等堡馘俘甚眾賊眾竄走遂移察罕丹津及其屬人于蘭州因奏進勦青海五事一請選陝西甘肅四川大同榆林綠旗兵及外藩蒙古兵萬九千令鍾琪等分領由西寧松潘甘州布隆吉爾四路進勦一防守西寧永昌布隆吉爾巴塘裏塘黃勝關察

海沙各臣傳卷三十一
木多諸邊口一除歸化城張家口所買馬駝
外請太僕寺撥孳生馬三千巴里坤選駝二
千赴軍備用一貯備軍糧卽以臣在西安時
預買米六萬石克運一請以景山所製火器
給軍總理事務王大臣議如所請十月敘平
郭羅克功晉二等公十二月察罕丹津屬部
各殺羅卜藏丹津守者來歸夔堯宣布
德威安置四川邊外有堪布諾門汗者察罕
丹津從子也爲塔兒寺喇嘛叛從賊糾眾拒

戰至是亦來歸夔堯數其罪斬之四月總兵
擊賊之犯布隆吉爾者鍾琪率瓦斯雜谷兵
勦南川口外郭密呈庫和爾喜諸部盡殪其
眾二年正月

上以羅卜藏丹津負

國叛賊斷不可宥授鍾琪奮威將軍

命夔堯趣令討賊時西寧東北郭隆寺喇嘛
應賊夔堯令鍾琪等襲斬六千餘燬其寺因
分路進勦敗賊哈爾吉山矜其酋阿喇布坦

溫布別遣涼莊道蔣洞等於阿岡賊番又敗
賊石門寺三月鍾琪等師至柴達木羅卜藏
丹津率二百餘人遁追擊至烏蘭伯克捨其
毋及賊酋吹喇克諾木齊等盡收其人戶馬
駝青海平叙功進美堯爵一等公再給一子
爵令其子斌襲其父遐齡如美堯爵加太傅
銜
命議防邊事宜美堯以八事入奏一策妄阿
喇布坦恭順遣使請降請撤回大兵而遷兵

二千駐巴里坤千五百駐吐魯番二千駐哈
密一布隆吉爾築城駐兵五千轄以總兵其
新城請

欽定嘉名以垂永久沙州哈密亦各設兵防
守一駐布隆吉爾兵請卽以甘涼肅三路所
罷兵給資遣往一布隆吉爾駐防兵內請每
營撥餘丁二百給牛籽口糧往屯赤金衛柳
溝所墾地三年後計畝收糧充餉免由內地
轉輸一請移靖逆衛同知駐布隆吉爾理民

事增設衛守備理屯糧沙州亦設衛千總一專司屯務並歸肅州道管轄一邊外既設駐防肅州鎮祇於口內分守應汰兵八百一邊外嘗爲蒙古牧場今駐兵耕種不應仍令游牧滋事應遣大臣率幹員往布隆吉爾迤南山中分地居之務令地界明晰一寧夏舊設總兵應援哈喇道遠甚無益寧夏邊外阿拉善去哈密近宜滿兵駐防

詔如所請四月羹堯遣侍衛達鼐副將紀成

斌搜勦餘賊至布哈色卜蘓拏台吉阿布濟車陳又遣副將岳超龍勦河州口外鐵布等寨番殺賊二千餘克寨四十一餘悉降之又以莊浪番賊竊據卓子山及碁子山遣兵自西寧進勦鍾琪率可進成斌洞等奪隘入轉戰五十餘日殲賊甚眾遂移附賊喇嘛于別寺燬其巢於是條示禁約又奏青海善後十三事一青海諸部宜分別功罪加賞罰一青海部落請於內札薩克編置佐領申約束

一朝貢交易宜立期定地青海王貝勒台吉等分作三部自備駝馬由邊外赴京請安進貢三年一次其交易定於那拉薩拉地方不得擅移一居青海之喀爾喀宜弗隸青海請編旗置佐領增設扎薩克以分青海之勢一凡陝省甘州涼州莊浪西寧河州川屬松潘打箭爐裏塘巴塘滇屬中甸之西番部人自明時不能撫治或歸喇嘛耕種或屬青海納租今已歸化為民請增設衛所撫治酌減土

司糧額以示寬大一青海喀木藏衛乃唐古特四大部顧寔汗據有之以青海地廣可游牧喀木人眾糧富令其子孫分處二地而以藏衛二部施予達賴班禪二喇嘛為香火地今因青海叛盡取其地分隸川滇而喇嘛遣人赴打箭爐貿易仍索各部銀名曰安租至爐納稅請禁喇嘛不得再收鞍租稅員亦免收喇嘛之稅一諸廟喇嘛多至數千易藏奸宄甚至通賊聚兵抗大軍請定例廟舍無過



二百楹眾無過三百人仍取首領結狀其番民納糧令所在官吏經理給發一黃河入邊至河州西寧蘭州中衛寧夏榆林莊浪甘州其間水草豐美林麓茂密自蒙古越據為牧廠致與內地相通請于西寧川北邊外創築邊疆建城堡則番邦仍為內地又寧夏以阿拉善為險要應令額駙郡王阿寶等飭屬悉歸山後游牧一大通河宜設總兵鹽池宜設四將河州保安堡宜設遊擊則蒙古不敢覲

覲一打箭爐外木雅吉達巴塘裏塘諸路請增設將弁以為川滇二省聲援一陝西之富寧寧夏四川之重慶川北諸鎮宜歸併裁汰一請發直隸山西河南山東陝西五省軍罪當遣者盡行發往大通河布隆吉爾墾種一諸般部落宜加意撫綏請令奮威將軍岳鍾琪留兵四千暫駐西寧經理並令招撫西番諸部疏上

上諭總理事務王大臣等曰自逆賊羅卜藏

丹津背棄國恩招集同惡殘其骨肉侵犯邊
城朕命午羹堯揆度機宜指揮將士犁庭掃
漠迅奏膚功今具奏善後事宜運籌措置覽
之喜悅惟新闢邊疆宜廣屯種而欲令五省
有罪之人發往開墾恐此輩未必習於耕種
又無家室可以羈留邊塞爾等其悉心妥議
具奏尋奏大通河駐兵六千其子弟親戚及
西寧民人俱願開墾屯種惟布隆吉爾距邊
遠應令遣犯食妻發往官給籽種屯墾三軍

後起科如例餘悉如所奏行六月羹堯奏徙
卓子山降番噶住等于土司魯華齡所約束
八月撫定雙蓬諸番並勦撫貴德至松潘口
外諸番部因奏撤涼州甘州諸軍又以甘肅
河西各廳生聚繁庶奏改寧夏西寧涼州甘
州四廳爲府其所屬各衛皆改爲州縣十月
羹堯入

覲

賜雙眼孔雀翎四團龍補服黃帶紫轡及金

幣十一月敘平卓子山等功加一等男世職
以羹堯第二子富襲時年氏家僕有桑成鼎
者自平西藏時隨軍敘功累官至直隸守道
魏之耀亦敘功至署副將羹堯恐人議已奏
稱成鼎係僕妻前夫之子之耀爲乳母子力
爲辨白又請發文武員弁數十人隨往軍營
委用
特允所請及抵西安卽劾罷驛道金南瑛等
七人而以請發之主事丁松請署糧道

上以題奏錯悞傳

旨切責羹堯又嘗荐其私人西安布政使胡
期恒按察使王景灝可大用並劾四川巡撫
蔡珽威逼所屬知府蔣興仁至死罷珽職鞫
治擬斬監候景灝遂得擢任川撫及羹堯之
劾南瑛等也期恒亦已擢甘肅巡撫離西安
任尙以布政使銜順羹堯意作詳揭
上命期恒率所劾人員來京具奏三年正月
珽至京刑部請監禁

特召珽入見珽自陳平日抗堯堯及被誣陷
狀具奏其貪殘諸款

上特宥珽罪擢左都御史

諭曰蔡珽係年羹堯叅奏若置之於法人必
謂朕聽年羹堯之言而殺之矣朝廷威福之
柄臣下得而操之有是理乎三月期恒入京
奉

旨胡期恒人甚卑鄙奏對荒謬豈特不勝巡
撫卽道員亦屬有玷下部議革職

上命更定打箭爐外增汰弁兵事宜凡羹堯
奏裁川陝諸鎮兵皆復尋撤鹽池防兵四月
諭曰年羹堯曾妄舉胡期恒妄劾金南瑛等
又遣官弁築城南坪不惜番民致驚惶滋事
反以降番復叛巧飾具奏又青海蒙古饑饉
匿不上聞年羹堯從前不至於此或自恃已
功故爲怠玩或誅戮太過致此昏瞶豈可仍
居總督之任念其尙能操練兵丁可補授杭
州將軍嗣山西巡撫伊都立疏劾羹堯私佔

鹽窩擅用正課諸欵都統原任西安巡撫范時捷亦劾夔堯借口捕治鹽梟遣運使金啟勳等率兵夜圍郃陽民堡致死多人特命侍郎史貽直高其佩赴山西察審五月時捷復劾夔堯欺罔貪婪五事並請治啟勳期恒及桑成鼎魏之耀罪尋下吏部議處議上僅請罷任不請革公爵別以妄劾南瑛事議嚴處

諭曰此議甚屬悖謬年羹堯所犯之罪甚多

雖卽行正法亦不足蔽其辜並不在此一事朕交此事卽當就此事定議乃前議旣以狗庇今議復爾過當此必尙書隆科多有意擾亂其下都察院議罪隆科多坐是削太保銜解部務

命吏部另議夔堯罪

諭九卿曰朕御極之初隆科多年夔堯皆寄以心膂毫無猜防所以作其公忠期其報効孰知朕視如一德伊竟有二心朕予以寵榮

伊倖爲邀結招權納賄擅作威福敢於欺罔
忍於背負彼既視憲典爲弁髦朕豈能姑息
養奸耶至其門下趨赴奔走之人或由希其
薦拔畏其加害所致急宜改散黨與革面洗
心若仍舊情惟務隱匿巧詐一經發覺定治
以黨逆之罪向日明珠索額圖結黨行私
聖祖仁皇帝洞見其情因解其要職置之閒
散何嘗更加信用隆科多年羹堯若不知恐
懼痛改前非欲如明珠等之故習則萬不能

也殊典不可再邀覆轍不可屢陷各宜警懼
無得自干誅滅羹堯行至儀徵逗遛不前回
奏又多狡飾部臣請嚴鞫並逮期恒啟勳及
桑成鼎魏之耀等治罪

詔下期恒等於法司革富等爵職羹堯暫免
逮問

命分案議罪削太保銜七月追

恩賞團龍服黃帶雙眼翎紫轡等物及

硃批摺奏並令繳入革將軍職授閒散章京

清沙名臣傳卷三十一
三十一
在杭州効力內閣詹事九卿科道合詞奏言
年羹堯受

聖祖仁皇帝豢養深恩又蒙

皇上殊恩異數不思公忠爲國貪婪成性驕
橫居心顛倒官常草菅民命按其罪狀罄竹
難書幸

聖恩不卽加誅令其回奏仍復怙惡不悛更
肆欺罔請亟罷斥立正典刑以爲不法不忠
者戒得

旨年羹堯爲川陝總督貪婪放縱網利營私
本應卽加治罪因其青海之功尙欲委曲保
全罷其總督授爲杭州將軍令其効力以贖
前愆乃今事事敗露不料欺罔悖逆之罪至
于此極使更加寬宥將來何以示懲此所奏
乃在庭公論而國家賞罰大事必諮詢內外
大臣僉謀畫一可令將軍督撫提鎮等各抒
已見入奏是月降公爵二等八月以直隸總
督李維鈞匿羹堯產草任尋吏部議盡革羹

堯世職是時川陝總督岳鍾琪河南巡撫田
文鏡侍郎黃炳鴻臚寺少卿單疇書原任直
隸巡撫趙之坦等各舉發堯堯罪狀侍郎史
貽直高其佩亦以讞辭奏請依大不敬律斬
決十月

命逮堯堯來京嚴鞠十一月將軍督提鎮次
第入奏請速加誅戮以彰國法章下所司十
二月議政大臣三法司九卿等奏言年羹堯
罪蹟昭彰彈章交至其大逆之罪五一與靜

一道人鄒魯等謀爲不軌一奏繳

硃批諭旨故匿原摺詐稱毀破做寫進呈一
見浙人汪景祺西征隨筆詩詞譏訕及所作
功臣不可爲論語多狂悖不行劾奏一家藏
鎖子甲二十八箭鏃四千又私貯鉛子皆軍
需禁物一偽造圖讖妖言其欺罔之罪九一
擅調兵捕郃陽鹽梟致死良民八百餘奉
旨查詢始奏並無傷損後乃奏止傷六人一
南坪築城官弁騷擾番民不卽劾奏一詭劾

都統武格等鎮海堡失律一西安解任時私
囑咸寧令朱炯賄奸民保留一縱令劉以堂
詐冒已故保題武功令趙勳名姓赴任知而
不奏一將幕友張泰基等冒入軍功共十八
案一家人魏之耀家產數十萬金羨堯妄奏
毫無受賄一西寧効力者寔止六十二員冊
報一百九員一退役王治奇冒軍功得授州
判其僭越之罪十六一出門黃土填道官員
補服淨街一驗看武官用綠頭牌引見一設

坐當會府

龍牌正坐一穿用四袂衣服鶯黃佩刀荷囊
一擗用黃袂官員餽送曰恭敬一縱子穿四
團龍補服一與屬員物件令北面叩頭一受
總督李維鈞巡撫范時捷跪道迎送一令蒙
古扎薩克郡王額駙阿寶下跪一行文督撫
書官書名一進京沿途填道疊橋市肆俱令
閉戶一館舍牆壁彩畫四爪龍一轅門鼓廳
畫龍吹樂人蟒服一私造大將軍令箭將頒

清沙各目傳卷三十一
發令箭燬壞一賞賚動至千萬提鎮叩頭謝
恩其狂悖之罪十三一兩次
恩詔到陝西不宣讀張掛一奏摺不穿公服
拜送祇於私室啟發一不許同城巡撫放炮
一勒取蒙古貝勒七信之女爲妾一以侍衛
前引後隨執鞭墜蹬一大將軍印不肯交出
一妄稱大將軍行事俱循俗例一縱容家僕
魏之耀等朝服蟒衣與司道提鎮等官同坐
一違

旨逗遛儀徵一勒令川北總兵王允吉以老
病乞休一要結邪黨沈竹戴鐸等懷欺惑眾
一袒庇私人馬德仁阻回甘撫石文焯奏劾
奏疏一本內引用朝乾夕惕故作夕惕朝乾
其專擅之罪六一築郟陽城堡不行題請擅
發銀兩一委侍衛李峻等署理守備奉
旨飭駁仍不令行調回一擅用私票行鹽一
諭停捐捧仍令照舊公捐一捕獲私鹽擅銷
案一守備何天寵患病不照例填注軍政又

清江雜錄卷三十一
五
囑直督李維鈞勒清苑令陸篆接受前任王
允猷虧項其忌刻之罪六一凌虐現任職官
縱任私人奪缺一軍前官兵支糧寔冊不先
咨晉撫諾岷欲令遲悞致罪一尙書綽奇至
軍營商辦糧餉清字咨文不交新任總督岳
鍾琪欲令違悞軍需一捏叅夔州知府程如
絲販賣私鹽殺傷人命一欲令李維鈞爲巡
撫計陷原任巡撫趙之坦一遏抑中書阿炳
安等軍功其殘忍之罪四一郃陽鹽梟案中

故勤良民無辜馮猪頭至死一鎖禁筆帖式
戴蘓一劾金南瑛等七人急欲出缺與私人
一不善安輯蒙古台吉齊克濟扎卜等致困
苦失所其貪黷之罪十八一收受題補官員
銀四十餘萬兩一勒索捐納人員銀二十四
萬兩一趙之坦罷職發往軍營羨堯勒餽金
珠等物價值二十餘萬兩一受樂戶寶榮銀
兩一收受宋師會玉器及銀萬兩一徧置私
人私行鹽茶一私佔咸寧等鹽窩十八處一

清沙各官傳卷三十一
三
收受鴻臚寺少卿郭繼孔古玩一索屬員傅澤濤賄不據寔劾虧帑一西安甘肅山西四川効力人員每員勒銀四千兩一受忝草知府樂廷芳賄奏隨往陝省一掠各番衣物爲己有一私征新撫各番租銀一擅取蒲州盤獲私鹽價銀一萬兩一遣僕販買馬匹一私販馬發各鎮勒重價一遣莊浪縣典史朱尙文赴湖廣江浙販賣四川木植一令人賣茶得銀九萬九千餘兩其侵蝕之罪十五一冒

銷四川軍需入已一冒銷西寧軍需入已一冒銷軍前運米費入已一侵用各員並俸工凡五年皆入已一築布隆吉爾城冒銷工料入已一隱匿夔關稅銀又加派糧規入已一盤獲私茶取罰賣銀入已一侵用河東鹽政盈餘入已一西安米萬石未運至西寧冒銷運費入已一寧夏各衛貯倉穀及留西寧養馬銀並收入已一侵用城工餘銀入已一抄沒塔兒寺珊瑚砂茜草諸物私變價銀入已一

清史稿卷三十一
侵用紀運韶等捐解銀入已一斫桌子山木
植入已共計賍銀三百五十餘萬兩罪凡九
十二款供狀明白律應大辟其父及兄弟子
孫伯叔之子兄弟之子年十六以上皆斬十
五以下及母女妻妾姊妹並子之妻妾給功
臣家爲奴奏上
恩予自裁于富立斬餘十五歲以上之子發
極邊充軍其父遺齡兄廣東巡撫希堯革職
免罪於是就獄中傳

諭羹堯曰歷觀史書所載不法之臣有之然
當未敗露之先尙皆僞守臣節如爾之公行
不法全無忌憚古來曾有其人乎朕待爾之
恩如天高地厚意以爾寔心爲國故盡去嫌
疑一心任用爾作威作福植黨營私辜恩負
德于心忍爲乎卽如青海之事朕命於四月
備兵又命於八月進兵爾故意遲延及嚴加
督催然後進勦孤軍冒險幾至失機又如爾
命阿喇納之兵由噶斯前進涉險惡必不可

行之路豈非欲陷阿喇納乎又如爾令富寧
安將駱駝三千從巴里坤送至布隆吉爾爲
無用之需豈非設計欲陷富寧安乎又如調
岳鍾琪之兵至西安爾令舍近就遠紆道數
千里欲使蔡珽運糧不濟豈非欲巧陷蔡珽
乎此皆軍務大事而爾視爲兒戲借快私忿
尙得謂之有人心者乎又如爾所奏善後十
三事于不應造城處議造城不應屯兵處議
屯兵籌畫邊機如此草率是誠何心青海冊

兵以來爾殘殺無辜顛倒軍政朕尙未令人
于廷讞卽就所議九十二款尔應服極刑及
立斬者三十餘條朕覽之不禁墮淚朕統御
萬方必賞罰公明方足爲治尔悖逆不臣至
此若枉法曲宥曷以彰憲典而服人心今寬
尔磔死令尔自裁又赦尔父兄子孫伯叔等
死罪尔非草木雖死亦當感涕也羹堯旣死
其党次第伏法五年

諭曰向因年羹堯狂悖妄亂結党肆行法難

瀋沙各目傳 卷三十一
寬宥不得已將伊治罪又恐黨援固結別生
事端故令諸子徙居邊地今年羹堯正法後
平日同黨之人皆悔過解散無一人比附之
者而當日平定青海年羹堯亦著有功績可
將伊子俱赦回交與年遐齡管束以示格外
恩全至意

噶爾弼列傳

噶爾弼滿洲廂紅旗人姓納喇氏父額爾德
赫任敬謹莊親王尼堪府長史從王征伐

續順治十六年署護軍統領偕安南將軍達
素等勦海賊鄭成功於廈門額爾德赫率右
翼兵扞僞民安侯周序

命署鎮海將軍康熙元年還京尋卒噶爾弼
初任前鋒叅領康熙四十四年授正黃旗蒙
古副都統四十五年調正黃旗滿洲副都統
五十一年遷正紅旗護軍統領五十七年調
廂紅旗護軍統領五十八年準噶爾賊酋策
凌敦多卜三濟等襲據西藏

命噶爾弼馳赴四川協理總督年羹堯軍務
噶爾弼諜知策凌敦多卜與三濟不睦疏請
遣諭策凌敦多卜降以分賊勢

詔可五十九年二月平逆將軍宗室延信奉
命由青海往定西藏

詔授噶爾弼為定西將軍偕都統武格率四
川雲南兵由拉里協勦時策凌敦多卜自拒
延信軍而遣其黨春丕勒宰桑以兵二千六
百由章米爾戎來拒我軍乘其不備取道莫

珠貢喀集皮船渡河直趨西藏八月克之噶
爾弼集藏地大小第巴頭目及各寺番僧等
宣示

皇仁封閉達賴喇嘛倉庫遣兵守隘截準噶
爾糧道於斬策凌敦多卜所授提督喇嘛五
人策凌敦多卜等為延信所擊大敗遁西藏
平捷

聞

諭曰噶爾弼等遵朕指授率領官兵歷從古

海沙 百傳 卷三十一

用兵未到之絕域各加奮勵克取藏地撫綏
唐古特人民甚屬可嘉凱旋之日著從優議
叙是年延信留駐藏六十年四月以病

召還

命噶爾弼往代仍佩定西將軍印閏六月授
廂藍旗蒙古都統九月至瀘定橋託病不行

年羹堯以

聞下部議革職尋因來京逗遛擬斬雍正元

年六月

天保三年

